



壺關縣志卷之四藝文

詩

和唐太宗登太行山幸潞


太師苗晉卿

金吾戒道清，騎動天聲砥。路當南絕重，巖始北征
關樓前望遠，河邑下觀平。喜氣迴輿合，祥風轉旆輕。
祝堯三老至，會禹百神迎。月令農先急，春蒐禮後行。
仍親后土祭，更理晉陽兵。不似勞車轍，空留八駿名。

遊靈顯觀

呂洞賓

素衣丘壑寄生涯，相近茅衡共幾家。卧聽松音臨水



石坐看山色老烟霞林中有鶴窺來客岩畔無人見
落花但把琴書消白晝不須爐裏煉丹砂

宋

題紫團山三十六景

迎暘峯

王 案

陽燧初升八極車飛光猶帶赤城霞山英固有葵心
在不許群峯取次遮

倚秀峯

山形疊疊掩禪關長薄蕭森落照間八女欲誇新結

東都將翠藻簇煙鬟

天柱

不分蒼園西北傾只將一柱與楸撐而今六幕安然
處不使斯人樂太平

磨崖

家山奉與語溪接使節曾過砥柱遊見說紫團銘勒
處西風千里重回頭

濯纓溪

江上老人終獨往塵中孺子果何知溪翁欲識滄浪

意看取青霄浸月時

東華表

借問遼東鶴歸來得許悲浮生隨念變何待塚纍纍
西華表

寄謝西朝相神奸古有圖如何延客處庭燎照豐狐

碧蘿峯

風曳山妃帶雲穿本客衣青松容嫋嫋紅葉半飛飛
月爲幽人罷春從舊處歸明朝碧峯外試與絆斜輝

金屋山

雲拂層峯四面朝朝陽北過更出巖金仙目舍居金
屋不爲膠東貯阿嬌

鵲尾山

天借溪山奠佛居全將帝所作規模漢家不識真鵲
尾何笑區區問越巫

山翁崖

仙翁愛山居留形在東嶺風林度肅聲雲壑漾飛影
華髮欲蕭蕭青瞳猶耿耿追踪有名流回首發深省

駐雲亭

塵迹初從世網收一丘一壑此優游却應化作飛雲
片長向亭前伴客留

老人峯

江廬已別游河侶商洛休陪謁漢賓獨立南山千嶂

裏長將萬壽祀嚴宸

南極園

清徵有逸仙疇昔下南極紫氣遠成圖照此太白城

芝田手所耘地震亦知齋雲根一十八廟揭安可

餘亂峯間喬林鍊寒色

紫雲勝賞開之舊矣壺關大夫梓圖作記欲得子
詩時在管城錦繡潭上自食平脯三十大景賦之
遍點竄一二字耳因以草卷寄之時
政和六年秋九月既望乙巳輔道書
郡志曰輔道書字神竒原刻十二石亦以榻本累
僧碎之埋於山麓後人踪跡過之止得八石散之
慈雲寺壁間後止存四石順治
十八年知縣朱輔移置學宮

明

高皇帝與四輔遊東苑詩

踞蟠龍虎肇豪英

高帝

五色卿雲炫日明

臣杜

王氣

瑩然垂景象

臣吳

民風樂耳見昇平

臣龔

山河百二

金陵最

臣趙

宇宙千秋帝業成

臣李

暗憶六朝興廢

事

高帝

禎祥未盡又加禎

臣杜

中書省與吳伯宗唱和

狀元郭 獮

鳳凰城闕紫霄間
曆數丕承王氣還
舊說圖書符洛邑
載瞻玉帛會塗山
太平有象耕桑盛
邊奏無聞甲冑閒
自古英才躋盛美
願歌天保達龍顏

應召上京

四輔杜 敦

符使星馳到幕門
草茅何者敢踰垣
鞠躬出拜王言辱
策杖來朝上位尊
輦御六龍登黼座
樓樓雙鳳舞天闈
方今復祝勳華盛
蕩蕩巍巍至道存

受官

杜 敦

應聘叨聯宰輔班
九重宮闕幸躋攀
時論風化巖廊上
日近天顏咫尺間
紫禁進趨冠岌岌
青宮步履佩珊珊
爲臣補報心渾赤
方得稱爲不素餐

辭秩

杜 敦

老我爲儒族本寒
使符飛下促征鞍
朝班竊位三公次
齒序叨居四輔端
雷夜被宣謨紫禁
雨晴承制賦金鑿
只因溺殿東方朔
犯得天顏許掛冠

送杜徵君先生致道赴京

邑人任 理

老成文物出山林天上君王降德音
鵷鷺階前趨白
玉鳳凰臺上築黃金
星星蒼髮三千丈
耿耿丹衷一寸心
不是傳巖勞版築
未應夢寐起商霖

前題

邑人馬文淵

邦國徵賢此有光
扶輿清淑產忠良
甫申降誕維崧嶽
澤潞連城擁太行
金馬門高晨待詔
木樨花發早生香
朝廷側席需求急
學問淵源爲發揚

前題

邑人程亮

草廬龍卧七旬高
丹詔星馳起俊髦
夢協傳巖賢易
顯氣冲牛斗
劍難韜細氈
侍講應前席
大廈經筵或
賜袍天下蒼生望
安否好將甘澍普林臯

前題

邑人張肅

人生最是觀光好
公去金陵八月時
秋色一江楊子
渡天香
萬里桂花枝
草堂事業知
工部御史風流說
牧之自古治城登
眺地好詩相寄
莫相違

前題

邑人牛景鳳

林泉杖履自春秋
徵詔今從上國遊
舟楫一江南北
塹車書四海帝王州
差差屋比烏衣巷
蕩蕩波平白

鷺洲此去先生登眺後珮聲鳴向鳳池頭

前題

上黨李維馨

金陵王氣正繁釐方是明良際遇時禮樂車書南北
混江山形勢古今宜鳳雛麟趾盈郊藪虎踞龍蟠壯
帝基歛鐔藏鋒待時用此行不負帶經為

太行山水有餘清相對琴書適性情州縣忽傳天子
使丘園誰識敕符名門已備尊賢禮遇主應抒報
國誠幸際風雲千載會好將霖雨濟蒼生

前題

三山郭 栢

晦跡山林俟世清豈知白首尚窮經金門玉笋開堯
日銀漢仙槎起客星致治有為惟一語求賢何必待
三徵此生好慰蒼生望盡把經綸徹聖聰

喜雨篇送杜致道先生

有引

宣城梅之尹

時亢旱喜雨鬻舍舉酒餞別因作詩贈焉同會者有吳興呂侯士安三山郭公永齡幕賓絳陽馬遵道稅使觀津李思敬邑庠生王進城曹九齡館下諸生馬文淵輩二十人俱書壁間以記歲月云耳

去年五月禱即雨今年七月猶虔虔行香三日乃小雨
五日甘澍始沛然不才愧攝百里政民命實係蒼

蒼天君恩有詔甚優厚天下大復秋租全雨暘時若
 又豐稔康衢擊壤雍熙年吳興呂侯有善政餘波流
 澤無後先三山郭公興利永兩池水滿歡聲傳邑中
 官曹與學校彬彬人物俱時賢太行杜公近被召恩
 波萬頃天池邊非熊之兆後車載白頭拾遺黃麻宣
 朝廷鳩杖作圖畫讜論獻納近御筵泮宮諸生此餞
 別賦詩因贈喜雨篇

送致道先生詩

三首并引

邑人申甫

聘君南坡致道先生朝京潞郡大夫庭芳李先
 生士龍郭公歌詩以華其行區區甫南坡筆硯

方先生也最為用事容賦然不歸勅裁南坡太
 行路清時三詩布鼓雷門實自初耳

其一曰南坡

南坡老明經鬢髮如雪智囊深無底眼孔大如月
 樂天安土卧東山義胆忠肝凜如鐵芝香薇嫩蕨芽
 肥及時自釀松醪酌衣裁荷芰佩紉蘭枕石漱流尚
 高節富貴惡能淫威武安能折丈夫真誠天下奇襟
 懷玉鑑冰壺潔亂世保身脫網羅克剛克柔克明哲
 治朝符使天上來翻然應聘朝京闕京闕遙遙一千
 里騎鯨遠涉吳江水吳江滔滔浪泊天一着神鞭上

聖賢集卷四
鵠尾叩閭闔瞻天顏敷奏萬言策字字鏘琅玕行道
濟時素志酬周公夢復非邯鄲黃袍虛席久矣望子
爲稷契豈止爲謝安

其二曰太行路

太行路何崎嶇相逢盡道能推車冷雲直上三萬丈
一線之宇百折通天衢飛猿健鶻不得上古雪空嵌
巖但見顛峯疊獻宛如快劍削出青芙蓉霞吐雲蒸
如畫圖天壇王屋遙相望洞府往來飛仙居元氣老
不死挺然南坂君子儻居仁由義力有餘閉戶琅琅

勤讀書三老語杖屨相訪珊珊雜佩鏘璫歛容拱
手趨坐隅山鬼獨脚呼榔榆秋風拂焦尾夜月彈昆
吾物欲淨如掃玉鑑與冰壺豈是蓬蒿人真誠大丈夫
何柰時不偶笑彼三匝烏熙熙暮景垂桑榆夜來
天使敕敕符策杖迢迢下太行應聘遠朝天子都致
君堯舜歌唐虞

其三曰清時

清時賢路開曠達平如砥州縣忽傳宣召彼古君子
倚歎南坡翁靈臺湛秋水學問際天人有德復有齒

居易依中庸言行相表裏俾之展經綸允克慎終始
霖雨蘇丘民足以歌愷悌徵書下五雲天使來親禮
猿鶴驚離群扶杖翻然起行行詣神京前程難但已
調鼎志不倫陰陽可燮理功成拂袖歸流芳播青史

題紫團山二仙廟

宣城梅之尹

山到紫團高萬丈半空樓閣二仙祠天台劉阮非今
世湘浦皇英望九疑旭日憲檣青瑣闥晴嵐笠后瓦翠
琉璃鄉民盡說當年孝香火能供不斷時

和前韻

邑人杜敷

樹壞川南翠屏下烟霞晚暖古壘祠女流雙妹當年
事仙籍聯名或者紫府雲軒金鸞鴛瑤池宮闕碧
琉璃有無茫昧忘言外只在仙神聚散時

寄壺關縣丞郭栢

杜敷

獨員縣丞才三月雷勵風飛見設施日夕花封猶聽
政月明松院正哦詩康莊當展龍媒足枳棘非棲鸞
鳳枝卓魯到今千載遠料應德教有光輝

紫團山景二絕

杜敷

蹬道崎嶇雲作梯登峯環照古招提何時得解黃塵

卷四
缺卜築紫團深處栖

紫團山景三十六具載先人石碣哦我欲揮毫續爲
詠殊恨篇什不全何

題杜四輔

荆南劉欽順

前山傷稿木昭代聞人出一戰勝河東獨步廣寒宮
飛龍瞻淮甸夜夜夢豹變山樊入天使大人時利見
黃幄則爲臣青宮則爲友魚水歡黃既素絲梳滿手

聞張壺關政聲有感

襄垣劉龍

自古壺關好上書至今風氣徧茅廬羊膻萬折隨山
轉雀角千端傍屋舒桃李滿城春不改桑麻盈野樂
何如清朝公論終難泯旦夕徵書下紫虛

聞壺關寇平侍臣勛功寄贈 崆峒李夢陽

岩巖上黨接壺關仗鉞東行歷萬山巖凍雪堆擒虎
窟壑腥雲斲斫龍灣嶮巖路透漁樵入蒼蔚林清鳥
雀還爲問登高能賦者霜毫幾掃白雲間

遊紫團山

金陵孔廕

武夷山下紫團開曾見元朝司馬來濃淡山粧西子
貌淺深波浸梵王臺鹿啣芝草歸僧院鶯蹴桃花落

酒杯風景似非人世界却疑竟夢入天台

過壺關

孔應

壺關三月氣蕭森滿地風塵接暮陰行過溪橋問春色數株松栢對孤岑

野縣山城隱碧蘿居民家近虎狼窩停車欲看循良傳為問龔黃意若何

佛耳摩雲

安仁劉麟

佛有骨亦有齒世賢不用輕相訾晉嶺蟠空天下無擇勝呈聰露其耳當時養性慢養身死轉形容尚孤

峙佛今已人無何有化作清峯長在此聞人附語或厭凡侵肌烈烈長風起入寺烹茶烟火生僧家半道人群是何時幻質復西來共開清聽探元始

前題

德清陳霆

蒼藤借上援青壁費前節東瞻渺雲海下視失寰壤疲樵憚登陟過鳥阻來往不知雲靄深但覺衣袂爽山人慕飛舉信步畢幽賞長歌人不聞天風振餘響

前題

吳與顧應祥

如來已入滅度去此地空餘佛耳山靜洗六根還色

相歷殘千劫更孱顏飛梯已入烟蘿外梵語如聞香
漢間擬向諸天叅上乘笑看九地自塵寰

前題

邑人張鐸

百道飛泉逸翠微四圍丹嶂映禪扉時看鬪雀汗經
案似解真僧已息機

狹徑前村人去獨長空斜日鳥飛雙憑軒一幅春山
畫漫學丹青寫北窓

前題

苦臺呂崇義

崇峯掩映一禪幽携榼登臨盡日留古木風停綠
歇遠山日射鑑光流蒲團有衲耽渠寂塵世無人識
此秋屈指當時名利客何如高枕卧山頭

前題

鹿門茅坤

插漢如來境相叅喬木林壑深雲出沒堂邃氣蕭森
惟石生蒼蘚疎松轉綠陰曉來堪聽處梵語雜禽音

前題

朱雲鳳

佛耳高插天掩冉雲滿谷吉人玩竒變昕夕看不足
迎風翠盖翻映日錦屏轟曉摩霞影紅晚盪黛光綠
卷舒揔無心悠然潤林麓蒼生渴霖雨遲爾生百穀

前題

楊湘

嶒峩塔勢空中起
嘹唳鍾聲天外聞
禪友老僧真好
靜日高三丈尚眠雲

路隔紅塵俗眼稀
閑雲幽鳥總忘機
山僧鎮日無他
事獨坐松陰補衲衣

前題

張鎮

捫蘿直上費躋攀
與憇禪宮心自閑
出岫雲歸明月
夜棲松鶴去紫團山

前題

楊漑

禪關絕壁迤清幽
洗鉢焚香任客留
吐白雲濃澹
出溪停碧土淺深流
松吟絲竹偏宜夏
地遠炎蒸剩
有秋聞說尋真還
遯世何如結宇此山頭

北極靈跡

劉麟

翩翩玉堂子迢迢湖水濱
睠彼取笏者結屋乃比隣
大君昔造命况復聖且神
郭公會其逢易置如轉輪
於何幽冥中默定良以勤
永懷世上事夢卜真何人

前題

二首

陳霆

峯迴松風長危蹬出蘿
焉上有紫皇殿碧瓦耀青昊

帝尊儼廟坐祝史嚴汛掃風雲擁輿衛日月照龍藻
達人慕真境遺世歎不早何當置短鍾住此種瑤草
三晉古雄國歷世多異人偉茲壺山賢開國推文臣
微時掇神笏塑偶起欠伸登龍首臚唱氣壓三千群
誰云貌不揚便腹皆經綸何時拜遺像千載瞻風塵

前題

顧應祥

北極祠前山可憐千崖萬壑鎖倉烟共傳太帝樓神
猶記書生取笏年木偶緣何識英物天公有意屬
賢鬼神妙用應難測擬續齊諧第幾篇

翠微仙洞

陳震

青天白日騰祥雲天風翼翼吹飛輪海天從許叱霞
馭塵世那復遺仙裙從來純孝感天帝帝遣西池列
名位何年來看唐昌花却道雲軒玉峯去

前題

顧應祥

樂家二女此登仙留得芳名百世傳豈有靈丹能脫
骨祇因純孝自通天雲軒鶴駕秋空遠澗草溪毛歲
事虔欲向翠微問消息歸來華表是何年

縣居詩

六首
有序

武功牛恒

予未第時閱姚武功縣居詩心竊慕之嘉靖丁酉冬來知壺林山幽道僻頗多暇日每有感遇輒與吟詠率用其韻積三十首因題曰縣居詩亦效頻意云

武屋終南下別來跡漸疎自知山縣印羞見故人書
蕙帳空驚鶴苔磯想釣魚終朝刀筆裏何處覓玄虛
夜來春雨足平野靜無塵花鳥媚時景農桑問野人
謀生從笑拙憂國獨傷神不學山林士區區養一身
龍溪遙獻翠壺口舊開關三老已云去今人茲未閑
幽崖花自發落日鳥空還樂氏二仙女飄飄出世間
涼風生嶺下秋思與誰論松菊荒三徑漁樵自一村

思親時望遠卧病暫關門何事從微宦火蓮庭下言
驅驅臨遠陌父老出村迎一見識淳俗十年不入城
禾麻連遇雹兒女盡吞聲重愧余為令民艱猶未明
長妨胥吏幻到野訪民情小戶重征苦豪家買稅輕
城狐未遁跡野哭時聞聲終朝剪荆棘須教蕙蘭生
題紫團山詩
瀋憲王

紫蓋雲霞合青天石壁開禪僧坐溪畔幽鳥下山隈
地有長生藥門多隔歲苔鳴鐘天向夕清響半空來

紫團八景 有序

邑人張鐸

紫團三十六景宋政和中王家字輔道者應邑大夫之請者也詩刻半存得景二十有二伊昔象形命名意各攸寓人代寥闕兵燹荐經詞客幽人遊賞罕繼今諸峯雖羅列峻嶒而氏號湮沒殘碑所遺固亦漫無可指遂使名嶽兒孫惜焉失傳予慕昔賢之高致憐真景之娛人參彼詩義符此近稱取其尤彰彰明著者列為八景摘詞勒之聊以當傳奕云爾

橋樓淙淙去聲即輔道之仙翁崖也

徑轉橋樓出
騶嘶猿鶴驚
門蘿妨磴滑
拄杖看雲生
仙去樓空閉
橋深淙自清
臨風操綠綺
山水獨含情

雲蓋寺即駐雲亭也

下馬禮空王
逍遙步法堂
名山雄習理
紺宇自隋唐

雲擁諸天濕
風生六月涼
闔關當日事
踪跡已微茫

將軍峯即東西二華表也

招提依絕壁
門拱二將軍
受職鎮靈境
荷戈凌紫氛
威名千古著
梵宇半空聞
仰止欽高躅
徘徊散夕曛

照壁山即屏牆山也

真僧已入定
群動欲開顏
天啓如來鑰
門倚照壁山
翻經忘色相
說法掩禪關
蒼翠空相對
巉巖不可攀

倚秀峯乃照壁前山最高而秀者輔道所著今名無稱焉

屏墻相對峙
突兀見高峯
玉女新粧出
山巒翠岱濃

雲霄橫綺毅河漢插芙蓉不費尋幽力塵寰那得逢

參園

即南極園昔有傳服參飛仙者本草亦品紫團參為上今園已墾而田矣遍別巖藪

根株鮮獲而人慕虛名寺膺實害每值易參即驅僧於郡城往往以倍價市之逮繫彌旬吏緣為奸又司捕者假以巡緝橫索參錢上下寺歛而納之至鬻衣鉢老納屈指訴予怨佛無靈忿恨之狀猶可想見因得註之以告同志

瑞草象人形名園倚畫屏百年仙跡迥此日法輪停

市藥僧常繫巡山戶盡局貪林詎小吏哀怨若為聽

濯纓溪

輔道所
並名

小溪分瀑布素練靜無聲到此謝塵鞅因之濯冕纓

名因孺子垂水得聖人清剌有觀瀾興憐君欲結盟

磨崖

舊名與
今同

懸崖鐫古柳拂石辨蟲魚壁立人難近光瑩玉不如

僧能問竒字佛亦護名書讀罷迷心悟山靈若啓予

遊南磻崇雲寺三首

張鐸

三月已殘四月來崇雲偕友共徘徊鏡中白髮今將

滿夢裏名山歲幾回準擬晴巒舒望眼却緣風雪滯

吟懷村程累日淹羸騎春思何時得細裁

闌寂真憐張孟陽偶因春盡強尋芳彈碁盡日居庵

靜載酒滿庭竹葉香隔座折巾憐有道傍岩騎馬羨
知章留題不避山靈笑須趁閒身共放狂

鳥徑縈迴縱步難懸崖冰雪透衣寒張騫手試乘槎
勢郭隗杯傳曲水懽萬古名山長笑兀百年佳興幾
遊觀操觚漫擬尋春賦留與幽人仔細看

佛耳摩雲

二首

張鐸

佛岩事事幽歸興晚雲留稚徑斜分樹溪泉暗作流
終風無溽暑六月有深秋翻起吳江思高吟望石頭
勝槩分黎國崇岡俯栢林到來天逼近坐人氣蕭森

三日生靈籟青雲接地陰塵機何日息從此聽禪音

邑王邀遊烏泉寺

張鐸

邑王招呼午夢殘起乘羸馬興翛然青生碑兀雲
寺黑泛潺湲水遶田澗鳥弄音還寂寂松風隨蓋欲
翩翩買山何日尋真隱結駟登臨望遠天

約遊紫團

邑人郭恬

達人謝塵鞅誓將名山遊瞻彼紫團麓參園仙草幽
懸崖藏古寺瀑布瀉寒流何日松雲下叨陪杖屨遊

登賞栲栳

郭恬

西南壺邑鎮栲栳有名山虎踞真形勝仙壇亦壯觀
吾儕此眺望春日共躋攀觴詠情何極煙光夕未還

題風穴 二首

郭恬

古祠王嶺下一穴自虛中獨擅吹噓力因知神妙功
時聞疑沸水秋至若鳴蟲造化有竒秘探之渺未窮
經行探竒處王嶺壺雲東在竇天然巧靈颺地脉通
漾雨寒生澗鳴條樂奏松山腰雄一字秩祀古今同

遊紫團慈雲寺 二首

郭恬

深雲幽寺隱山隈古栢青松廕石臺南面參函仙女
去西頭龍洞酒泉來鳥知暮日栖林竹急花爲詞人對
酒開世事浮名何用絆此身今夕到蓬萊

真澤祠前舊佛堂俗塵不到菽花香日山連梯井韓關
險路出橋樓沾水長白石依林窺醉客紫雲如蓋鎖
禪房僧閑好事能傳意許我從今修石床

同賈廉父遊紫團山

七首萬曆甲辰秋

上黨周一梧

二仙祠

一水千山轉琳宮天際開仙娥冲舉地香火歲時來
洞口留丹竈峯頭餘鳳臺知君有遐想臨去更徘徊

白雲寺雨

鷲嶺轉三車深林景足嘉禪林無外戶僧飯有胡麻
一雨消塵障連朝落寶花慈悲如愛客故遣白雲遮

翠微洞

陰崖懸石磴一竅透孤峯地闢三千界雲關十二重
氣凝渾似佛洞杳豈無龍恍惚聞仙語依稀見赤松

崇雲寺

萬壑中開小有天人傳卓錫已千年蒼烟一抹丹崖
空靈雨低從樹杪懸貝葉翻時龍護法蒲團定處處虎

叅禪一區靜土乾坤設早入青蓮共往還

雲蓋寺

白馬來從天竺西寰中勝地盡招提浪仙曾借禪關
隱雲蓋因留蘭若題落日荒山迷草徑連天絕巘擁
虹梯雄文古刹消殘劫忍聽愁猿半夜啼

白龍潭

蒼崖懸合處中有一溪通澗落天光宵波旋地軸空
汪汪成水府隱隱見龍宮莫怪崇朝雨雲來每自東

紫團山峭拔翠聳俯瞰雲烟中間瀑布流泉霞
城洞府求之海內不可多得而諸刹又創自隋

唐當重佛崇文之世宜詩文摩刻無少遜於少
 林諸勝境乃宮殿皆委於兵燹而雲蓋又先為
 崩崖所壓僅得磨崖一碑至慈林有輔道三十
 六詠而已亾其十四舟車不通人跡罕至居人
 鮮探奇攬勝之士是以作者既湮述者未接地
 主乏九方之識而山靈負鹽車之泣矣使此山
 移之長安吳會則闡揚點綴操管城而紀靈異
 者將出汗牛而居充棟豈至寥寥若此哉撫景
 增歎摠賦
 一律而返

薄遊尋勝跡窮探入幽深斷碣蟲書缺孤碑草色侵
 泉聲喧急澗陰雨蔽秋林惆悵隨歸雁空懷吊古心

感風穴漫賦

邑人楊四重

大塊有意氣颼颼吐輝光八言大荒中折馬司其靈

又開崑崙竅高峙千仞崗造化不自秘終古任颼颼
 孰云傳者妄至理亦尋常曉茲燭陰息乃在壺山陽
 洞窳虛空裏動息固無方乾坤歸橐籥音響奏宮商
 噓來雨露滋汎爾蘭蕙香云何戰馬嘶蹂躪肆猖狂
 猛虎谷中嘯縱橫不可當楊柳枝且鳴其聲復琅琅
 嗟此下民孽能勿感穹蒼書為萬物首何以起痍瘡
 願言五日至慰我思徬徨

前題

楊四重

昔傳宜都穴今移壺境東輕盈少女宅溥暢大王宮

澹蕩凝清晝氤氳碧空蒼梧彷彿際黃竹依稀中
颺颺驚鷲石飈飈動鳥銅願吹寒谷裏大地頌神功

前題

潞城申尚德

我聞風有穴曰在壺山陬神居廟貌古客到亭心幽
靄靄雲生岫龍興噓氣浮旋訝中谷吼頃刻徧虞州
呼吸陰陽理鼓吹品物流八方雖有異一氣還為周
問從何處起靜元太乙初一動而再動位定西南隅
佐乾鳴化籥先坎奠坤輿有竅通天地無私合太虛
壺天近朔土南北詎云殊能雲亦能雨善放還善收
四時不同 萬物盡扶疎小小壺口關王嶺據勝遊
以象君子 烏用嚴刑糾

前題

邑人宋之光

壺山一竅通 坤輿萬里風從此地儲聲震簷前零露
落氣噴嶺上 卧雲舒幽深好作封姨宅虛冷宜乘列
子車聞道化 工猶橐籥原從此穴用吹噓

前題

上黨鮑 奇

乾坤多蘊藉 壺口睹培風一竅通虛出千林入化中
披襟聞虎嘯 抹句想神工長女應無宅天人大地同

前題

邑人平萬心

峯危谷邃境多奇路折羊腸客到稀
唯有清風來兩腋披襟習習可忘歸

題壺關八景

禾水朱輔

團峯倚秀

紫雲如蓋鎖山隈石磴苔深幽徑開
萬木蕭森藏古寺一潭澄徹石青苔
採芝仙女食霞貌問谷騷人着屐來
只此倘堪永歲不須園裏覓參苓

佛耳摩云

盤空曲徑踏蒼雲拂面藤枯溪雨分行到
碧崖霞作幔聽來幽澗鹿呼群
柏林渺渺炊烟濕樵徑深深花氣散
倚徙禪豆為塵自謝俯臨萬巘望朝昕

濯纓清溪

因愛山深景異奇野禽呼我步遲遲
花盈四座巖能笑澗嚮千灣石口解吹欲枕寒流澄俗韻漫烹幽瀉滌
詩脾再歌孺子滄浪咏樂水清號濯我思

壺口舊關

漢時三老以傳名萬疊關山古樹橫
幾處寒雲離岫

巖數峯崢嶸入眸清鶯啼萬壑春光遠花發千峯淑
景明石畔尋幽崎嶇徑斜陽古道愴心情

翠微仙洞

洞口流雲覆落花相傳樂氏女仙家當年鶴馭風駢
杏今日猿啼樹影斜豈是大還丹足慕祇緣純孝德
堪嘉年年禱祠櫻桃塢不止甘霖潤野瓜

烏泉夕照

古木蒼寒幽絕群涓涓瀲灩漾清沄漼哇已自成膏
壤遠陌還能茂野芹贏得冰心消俗艷漫誇玉骨濯

玄文捫蘿煞有觀瀾興岳聽松濤醉晚曛

北極靈跡

簇簇層巒擁紫宮清泉白石老丹楓仰瞻金闕雲霄
迥肅拜玄堂鐘鼓降此日焚檀神可降曩時掇笏帝
能通瓊樓縹緲翔玄鶴恍似身依碧落中

風穴秋音

王嶺峯前起碧霞巉巉古穴有龍蛇刁調石裏多奇
籟浙瀝岩中擬奏笳不似狂飈號眾竅恰疑幽谷嚮
寒捩靈廳洵是通玄竅以息相吹未有涯

友松亭

邑人楊四易

呼童挈壺榼來酌松峯亭嬉嬉對良友待月臨前庭
野曠天氣高白露淒以零長嘯凌霄漢醜飲而酩酊
回念平生懽忽隨佳序冥酒闌醉扶歸駒駒不能醒

前題

陵川李萃秀

自是君孤尚嶮崎不世緣以松爲老友置榻寄幽偏
圖史酬森肅雲霞媚秀媚颯然玄對以獨得靜中權

前題

上黨宋 荃

飛甍秀拔鸞山首嵒嶮故作蛟龍吼
百風曉夜吹簾幕碧雲寒日著樓
窓曠探竒偶逐謝鮑川潦倒松陰儼
若仙移席更邀蟾兔影洗盞再試葡
萄蘓醉歌慷慨耳欲熱意氣縱橫起
彈丸半生浪擲憐余老一代風流讓
君絕幾年曾負名山期在苒窮車恨
獨遲此日相逢酒盡飲杖藜重到復
何時

鸞山訪先子讀書處

上黨周再勳

雷電深秋喧昨夜快晴聊作踏松行
寒花野廟猶數點旅雁高天時一聲
先子讀書踪跡在狀元借笏鬼神驚
徘徊五六十年事樹老烟荒感慨生

主人招我紫微宮躡景天門騎蛟竦萬壑風雷掀象
外一天星斗燦霄中玉虛高拱玄靈護銀漢無聲絳
節通自是甫申崧降地從來奮發幾英雄

庚子九日登佛耳山

周再勳

六根尚未脫筌蹄九日猶將佛耳躋法界圓通風過
樹聲塵寂滅水平溪閒獻鬼火招松語自剔蝌文讀
蘚題爲問野僧生活計黃花翠竹盡天倪

陪朱邑侯祭三老墓

邑人牛倬

秋風搖落北山陲古木蕭蕭殘墓碑一目明禪傳配

享誰將黍稷繼粢匱忠貞力勉君山事慷慨究陳太
子詞策杖不辭憑吊意歡同此日曾不醉醜

紫團倚秀

富春章經

秀挺千峰上玉扉紫團雲氣傍誰飛濯纓溪畔青鸞
舞金屋山前白鹿歸地接兩河餘夕照雪殘上邨動
春暉匡廬衡嶽風流遠時聽瑤笙過翠微

佛耳摩雲

一朵芙蓉碧影移千年佛耳玉輪垂非關回壁雲偏
繞誰向譚經石亦知月裏桂飄頻入聽雨餘翠擁一

眉低化城原在層霄外無數天花落地時

壺口舊關

逶迤叠翠到壺山控制中原虎豹關邨市誰堪經戰
伐農桑邨處問民艱河流萬里青天迴雲影千重紫
塞閒我獨情深舒醉眼春晴幽壑聽潺湲

翠微仙洞

兩袖携雲陟翠微蒼蒼石壁挂斜暉鸞驟乍去金丹
在華表還傳白鶴歸何處采芝空載筆更誰遺世頓
忘機徘徊遠出烟蘿路玉洞花飛香滿衣

濯纓清溪

千尋爽氣滿壺林一道仙源帶遠岑洗耳更誰消俗
語枕流自可滌塵襟澗邊幽草春歸寂石上青苔雨
後深每憶滄浪歌者意澄清何日慰豪吟

北極靈跡

岩堯山勢鬱葱葱翠削孤峰倚碧空天半朱霞隨絳
節山頭紫氣繞丹宮當年授笏文星近今日登壇帝
座通自是地靈人亦異不禁懷古想遺踪

風穴秋音

深山古殿夕陽開風穴風聲自往回鐘磬清時疑待
月林花吐處欲聞雷雲扶少女鳴璫靜秋響空巖落
葉催試一揮絃歌解解阜頻來香露滿蒼苔

烏泉夕照

落日蒼茫翠靄中流泉暗與墨池通晚涼西嶺雲多
紫返照東山樹亦紅遠近煙村懸宿雨歸來鴻雁起
秋風應知天地浮沉裏巨壑嘯蘓門萬慮空

鳳塔凌霄

東南佳氣自龍蟠千尺浮圖聳碧岫二晉地形天際
落太行山色雨中看鳳凰飛遶青雲近雁塔名高北
斗寒呼吸知能通帝座時生申甫盛衣冠

燕池浮碧

萬山雄峻俯層城燕子池邊芳艸生半頃綠波春色
早一彎明月晚風清遊鱗喜雨頻窺鏡岸柳拖烟欲
待鶯自許會心濠濮上往來衣帶碧雲橫

東港烟波

雨歇山城水不流新成東堰護龍湫花朝修禊頻呼
酒月夜吹笙一放舟地脉從教迴秀色客心長自樂

丹丘群鷗也解春風意時喚煙巒照畫樓

北山雪霽

寒鐘蕭寺白雲閒積雪初晴上北山千里
堦臺連雁塞一天紅日照壺關臥餘高士登樓賦酒
載將軍射獵還且喜豐年已有兆邨邨簫鼓賽花間
署齋荒隘捐俸建靜深堂成漫賦

軍經

退食何妨刈草萊踈烟幽石一堂開且清案牘遲調
鶴爲計農桑早看梅幾樹綠雲榆蔽月滿城春色客
登臺靜中較古安吾拙莫咲山公晚醉來

前題

閒來無事步庭除花竹蕭然興有餘掃徑迎賓頻請
益垂簾拂座暫綰綬居四郊雁羽歸方集萬疊螺峯畫
不如欲爲後人思補地非關燕息自如如

亦隱

有序

古云大隱在山林小隱在城市余今壺邑不敢
當蒙莊吏隱小築數椽暇時携琴而人亦寄意

爾

會心何所見小築迥幽然
虛牖凝花雨空階暗竹烟
親人魚鳥在托意水雲前
不必南山下咏歌蒙叟篇

前題

浮世審容膝吾廬足
易安山風飄書幌
亦影落文竿
溪谷蘭爲佩中天月
獨看余情寄丘壑
曠達足游槃

問心軒

昔賢焚香古天白
衷無媿余顏之問
心亦自勵
云

萬慮紛無極空山疑
禘寸心追思三緘口
撫對一鳴琴

晝入圖書靜春餘
艸色深此中有所托
聊以滌煩襟

前題

虛懷如止水斗室在
深山習靜見天性
尋閒解俗顏
立身期不媿從政
自維艱坐看爐烟
外青天月一彎

題澹寧堂壁

結廬數椽傍城陰
古木森疎滿院深
疑在中條巖屋
下悠然一片白雲心

暮宿河交道中

山迴路不窮驅馬行
將夕遠邨入烟霞
蒼靄浮空積

赤日挂深林返照翻危石歷度盡層巔去天不盈尺
下際邈臨淵雲氣凝谿碧探竒固足論何以施遊展
忽訝疑武陵漁樵前岸隔寄語隱者流此地堪久宅
慚余役塵勞轉憶青雲客

謁二仙廟

長林大壑擁仙宮滴翠層巒簇遠空烟霧飛濛化法
雨香雲歷亂散清風昔年孝道彛倫重今日明禋典
禮隆更復庇民慰望澤萬年俎豆報豐功

登昇仙臺

飄然遐舉邈雲天
下壁瑤臺空紫烟
此地尚餘留鳳
履仙靈遺跡自年

前題

憑虛直上最高峯
二八半臺懸雲影
重鶴馭九霄勞悵
望萬山暮靄動疎

福巖寺

長嘯招提境公餘足放游
白雲孤寺晚紅葉亂山秋
幢影無風動經壇有月留
塵機能頓悟身世復何求

烏泉寺

曲嶂轉幽徑盤迴入長松殿角懸雲漢樹杪度疎鐘
寺以泉得名吸墨疑山龍我欲扶大觀飛攀佛耳峯
悵睇西山紫暮雲遮路濃短歌率爾作用之紀游踪

謁三老祠墓

漢室耆英立行超軼義憤國奸建言瀝血器量渾金
心腸堅鉄悟主精誠儲君寃雪考諸記傳維壺之傑
余令是邦獲欽明哲壘墓修祠顏榜立碣風世範俗
以表忠節

玉帶橋觀水

一水滌洄遶縣城垂虹俯瞰見澄清
心湍流處如環帶靜滙凝時可濯纓
遠岫影翻青鳳心長橋臥控紫虬橫
爲民欲效梁成意豈爲名稱博
臣情

四月四日至王嶺祠祭

風神并和邑紳牛漢

昭韻

薰和此日祀風神原草青青不染塵
敢爲勸農存省豫聊將典禮見明禋
山中高譽推摩詰谷口幽居憶子真
歸路雲深舒望眼夕陽遠色接城闈

前題

曲曲峰迴王嶺祠來禋未敢惜驅馳東臯雲碧看山
遠南畝風清策馬遲謙德頻年勞枉駕名賢何日遂
披帷徘徊正切空題壁忽得隋珠慰我思

登抱犢山同諸子各賦

携尊登抱犢遠眺且停盃野草爭先發林花獨晚開
青霞懸峭壁細雨過荒臺欲覓泉源處遙從山底回

再登抱犢

政閒偶復至吾意樂樵漁幽興追王烈高風問素書
春城微雨暗石室白雲疎
李垂垂發村前憶亂餘

冬日壺關郊行

驅寒踏雪游野望一登樓雲影綠山盡鐘聲隔岸收
荒林知徑曲亂石咽泉流爲念關河遠蕭蕭古潞州
玉皇宮

層巘開古殿南面俯諸峯烟市秋風裏雲山夕照中
萬年來獻壽八月盡朝宗時灑甘霖徧懽呼豫晉農
春日四郊勸農見婦子耨耘懷古之作

蒼藹芳樹綠遲遲日正暉柔桑集戴勝細草輒臨碕
農人方舉趾播種時勿違守土恐游惰策馬日駢駢

來至東南訖婦子餽耘稅色喜如田峻行勸竟忘歸
道旁老人言猶勝遺食衣我媿無以補曷能希流輝
慨然寄遐想熙世忘隱諲

秋日東堰觀雨

雲深山障雨黛遠樹生烟傾瀉疑縞帶奔騰似化絃
雪湍排岸直片堰劃川懸暮霽臨秋照來觀非與偏

中秋夜偕諸子登鳳山塔玩月

豪吟立馬鳳山巔空外諸天玉柱懸直上一層山月
小俯臨百丈地形偏蟾光低絮樓臺夢桂影高寒城

帝烟招友携樽同度興何須歌吹急繁絃

九日同尚綱秀衡子方諸子登鳳凰山

萸杯高泛鳳山巔禾黍秋登大有年萬里淒清黃葉
蹄馬蹄蹠躑躅碧雲邊

前題

携尊九日踏秋郊倚塔千尋上石巢忽憶慈恩獻菊
酒登高有句共推敲

前題

憑望無雲天氣清遠山落水最含情黃花令節開嘉

會何日重來駐旆旌

鳳塔凌霄

臨汾張瑞錦

突兀嵯峨渺玉虹
群山環拱俯鴻濛
頭名意切凌霄上
毓秀功成起異東
四面山城饒景色
千年泮壁振文風
登高縱目壺林地
翠靄重重佳氣中

燕池浮碧

一泓澄影靜無波
春曉風微動綠莎
剪水翻飛迷岸柳
蹴花輕逐繞烟蘿
賦懷祗切雲龍語
酌酒還聽魚藻歌
暇日臨流憑檻望
鑑光遙映見青螺

東港烟波

屹然砥柱障廻瀾
地勢雄踞磐石安
風送碧流環雉堞
月臨芳草護龍湍
高入到此音纓濯
逸興還來拄笏看
更憶恩波潤百里
章公堰築萬人懽

北山雪霽

朔風霽色散寒林
玉立澄光對逸襟
欲效尋奪披壑意
擬同訪友命舟心
射鵬獵騎歸西塞
授簡才人上北岑
列坐銜盃清興迥
渾如庾老月中吟
靜深堂成紀頌

甘棠賦召伯千載繫人思調鶴水心古張琴雪案時
署清留雅集庭敞麗歌詞大厦忻初構群情愜所期
亦隱

誰云官舍乏幽居此際真堪卜結廬花氣氤氳拂臥
榻雲光繚繞襲行裾門無俗客塵無擾座有清樽架
有書獨羨使君成吏隱壺陽處處頌懸魚

問心軒坐月小飲

一庭榆影亂夜氣蒸香清刻燭應分韻傳觴欲共傾
素心欽直節青眼佩高情內省勤懿德賢侯成令名

王嶺

風神載在祀典邑侯省耕釋奠不憚崎

嶠

倬步履維艱弗克陪祭褻慢之愆里言求恕

邑人牛倬

谷口雲蒸霞起時仁侯祈享到荒陬山深雉馴翱翔
集隴朽龍鍾拜謁遲竹馬兒童皆踴躍杖藜衰蹇失
追隨巖阿但效華封祝翹首彤廷福履垂

鳳塔凌霄

關西劉芳猷

鳳凰山下久龍蟠喜見文峯聳翠巒釋子已生飛錫
想才人應作筆鋒看秋高健翮凌風遠直半流光射

斗寒一自神君移造化公門衮李盡彈冠

燕池浮碧

雨滿春山花滿城池塘飛燕艸初生風牽萍荇搖深
翠波護鴛鴦弄淺清夾岸冶游方戲馬平橋密柳欲
藏鶯觀魚有得烹鮮理坐下琴樽任縱橫

東港烟波

盟心端的對清流力築東臯百丈湫鄭子陂邊歌雨
露蘓公堤上蕙蓮舟天行補救迢三異地脉潛移論
二丘最是引人形勝處憑添烟色上書樓

北山雪霽

積霰初消風日閒白雲高捲識青山生烟乍失村前
路遠樹頻移嶺上關載酒好尋梅信息開簾欣值鳥
飛還猶餘素影搖窻月欲納清颺入袖間

靜深堂成紀頌

慈谿周 驥

花縣風清興不孤草堂堪補輞川圖開樽盡日多高
士作賦于今讓大夫蒼石望來疑鷺嶺綠陰濃處卽
西湖當年金谷平泉主曾問民間疾苦無

亦隱

未敢勞民力呼工散俸錢
椽題從儉樸戶牖納山川
雅有登臨興同歸耕鑿年
計時應報政雙鳥五雲邊

問心軒 調好事近

碧柳叫黃鸝玉砌朱櫻紅
葯山縣放衙時早無意隨
琴鶴 告天夜半靜焚香
露浥緋衣薄消受壺中日

月許觥飛河朔

前題 調朝玉階

初晴雀噪牡丹天春城含翠黛
一庭烟曲池雙燕舞
翩翩輕風吹柳浪落榆錢
醉翁亭上雪堂邊勞心

多心事恤民艱荒村犬吠趁花眠
依稀忘晉魏任桃源

登抱犢山

石室容登眺千峯覆酒杯
孤城春色晚荒寺夕陽開
鷄犬通村徑烟蘿護玉臺
當年稽叔夜空問素書回

春日登壺關城作

壺關城古太行連南望春遲憶
杜鵑蕭寺半懸青嶂
外烟村多住綠楊邊上書三
老家何處抱犢仙人字
不傳猶說頻年經戰伐棠梨
開遍草芊芊

福巖寺

蒼涼關塞迴野寺白雲通積雪孤城外空山夕照中
磬聲歸洞壑塔影亂飛鴻垂老耽禪悅圍爐話遠公
靜深堂成紀頌

暨陽壽恒成

雉堞縈迴向北宸琴堂廠巖峙平園賓僚喜賦新丹
蘄父老耒歌美負輪樹有棠陰垂愛日花多堯種偏
陽春介眉共頌稱觴句君子由來靜者仁

亦隱

悠然開別業寄興嘯烟霞藜火牛書艸芸香動筆花

澹懷非遜世造志卽爲家况乃風流宰琴陶酣五車

集飲章公堰

新障青堤水遶城遠山晴翠入波明雨餘夾岸烟光
合雲度中流練影生賸可銜盃同造意何妨作賦各
言情厥工豈爲游觀築地轉靈源留後名

題亦隱齋壁

調錦堂春

芳徑尋花緩步畫欄聽鳥嬌啼耕雲釣月他年事切
莫預尋思且對眼前好境還看石上留題朝飛仙
鳥青雲處退食自委蛇

冬日壺關郊行和韻

鑑湖鄭瑞南

爲憶尋梅去寒雲曉未收
塞風黯雉堞野色冷鷄裘
殘雪明山寺清笳隱市樓
襄陽多逸意策騎共追游

烏泉寺

石林返照澗寒流臨眺携樽濟勝游
青嶂無聲天籟寂烏泉迷影麓烟浮
亂山雲落殘陽外古寺風過暮
雨收此地結廬堪招隱擬將身世等巢由

登抱犢山

跡在仙風邈憑高悵古今晴烟四塞合
暮靄萬山深

抱犢堪畱覽求聿不可尋勝游遺世想
去任白雲心

靜深堂成紀頌

行嶺山城天半開鬱葱佳氣拂雲堆
座看星影當簷落簾捲晴光入鏡來
豈爲讌遊成別館還將民物躋
春臺使君加惠深瘼隱工亟無勞
馨鼓催

亦隱

壺天仙史宅可憫北山靈雲度虛
窻白峯來送檻青
涉幽携菊譜習靜寫心銘更許西
園集應占太史星
夜集問心軒劇飲同九逸諸子填
詞調醉花陰

繡簾寶篆香初透花霧籠雕牖宓子正調絃皓月清
風對影雙携袖呼僮命酒薰金獸趁蟾光如晝一
飲百千杯看劍檢書再把南華讀

靜深堂賦

是堂肇啓季春維時竣工初夏爰牧愛而群趨而力
作繫子來而懽同賀厦方魯山之治政埒旌陽之築
舍陋彼燠館涼臺不過縱游觀而侈休暇若茲繫楹
易棟殆將思民事而敷德化于是土木脩結構成位
北向厥南榮主人迺搦斑管錫嘉名榜曰靜深義實

微精靜而不動體造物之天機深而方謀審行藏之
事宜緬式徽於往哲庶可告於來茲不特此也推而
廣之爾其靜如山兮俯青涵碧深若谷兮留芳答響
春雲麗兮濯錦直雪凝兮披篁暮懸眸於東靄朝拄
笏于西爽手調綠綺鶴唳徹於層雲耳奏笙簧松韻
飛于疊嶂若夫開樽入座無非延叔度之高明授簡
品題端有賴林宗之大匠此固資仙令之優游抑亦
足達人之雅尚復爲之歌曰
豈弟君子兮綏錫無疆躋彼公堂兮頌禱稱觴不日

成之兮俾爾熾昌嘉賓式讌兮樂只未央

